

Paerewa Paetae

Aronga	Te Reo Rangatira 1.2				
Ingoa	Te whakamārama i te pānga o te horopaki ki te reo				
Kaupae	1	Whiwhinga	6	Aromatawai	Ā-roto
Marau akoranga	Te Marautanga o Aotearoa				
Kokonga akoranga	Te Reo Rangatira				
Mana rēhita		Te rā i mana ai			
Te rā e arotakengia ai		Te rā i puta ai			

Te Hononga ki te Marautanga

I ahu mai tēnei paerewa paetae i te Taumata 6 o *Te Marautanga o Aotearoa*, i whakaputaina e Te Tāhuhu o te Mātauranga i te tau 2017.

Whāinga Paetae

Āheinga Reo

- 6.1 *Ka whakaaro nuitia ngā pūkenga ka whakamahia e te kaituhi, e te kaitā e rangona ai tōna ake wairua tuhi, wairua tā rānei.*
- 6.1 *Ka mārama ki te reo ā-tinana i ngā horopaki huhua, ahakoa ōpaki, ōkawa rānei.*
- 6.2 *Ka whakamahi i ngā āhuatanga katoa o te reo me te tinana hei whakatau tika i ngā take, hei whakawhitiwhiti whakaaro, kare ā-roto me te mōhiohio.*

Rautaki Reo

- 6.3 *Ka hāngai te reo ā-waha me te reo ā-tinana ki te kaupapa.*
- 6.5 *Ka arohaehae i ngā kōrero me ngā tuhinga Māori i runga i te hāngai ki te kaupapa, ki te momo reo me te kaipānui, kaiwhakarongo rānei.*
- 6.5 *Ka whakahāngai i ngā āhuatanga o te whakatakoto kōrero hei whakaihi i te kaipānui kia aro mai ki tā te kaituhi e hiahia ai.*

E hono ana ki te Papa Whakaako mō [Wāhanga Ako] kei te pae tukutuku nei:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

Te Hononga ki ngā Tikanga Aromatawai

Arā ngā Tikanga Aromatawai mō tēnei paerewa paetae, kei te:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

Paerewa Paetae

<p>Paetae Te whakamārama i te pānga o te horopaki ki te reo.</p>	<p>Hei tohu i te paetae:</p> <ul style="list-style-type: none"> • Ka tautohu i te horopaki o te kōrero, o te tuhinga. • Ka whai whakaaro ki ngā āhuetanga motuhake o te reo i roto i tōna horopaki.
<p>Kaiaka He kaiaka te whakamārama i te pānga o te horopaki ki te reo.</p>	<p>Hei tohu i te kaiaka:</p> <ul style="list-style-type: none"> • Ka matapaki i nga āhuetanga motuhake o te reo i roto i tōna horopaki.
<p>Kairangi He kairangi te whakamārama i te pānga o te horopaki ki te reo.</p>	<p>Hei tohu i te kairangi:</p> <ul style="list-style-type: none"> • Ka tātari i ngā āhuetanga motuhake o te reo i roto i te horopaki. • Ka whakatairitea, ka whakatauarohia te reo o tēnā, o tēnā horopaki.

Kōrero Āpiti

- 1 E whai ake nei ngā whakamārama mō ngā kupu me ngā kīanga whitake matua o te paerewa nei:

<p>āhuetanga motuhake o te reo</p>	<p>Ko ngā mea o roto i te reo ka whakamahia e te kaikōrero, e te kaituhi rānei hei whakapuaki i ōna whakaaro, hei whakatutuki anō i te whāinga o te tuhinga, o te kōrero rānei, pērā i ngā momo whakatakotoranga kōrero, te hanganga kōrero me ngā nuka reo (hei tauira: reo peha, kupu taurite, huarite, kīpeha, kīrehu, huahuatau, te wetewete reo, te paparuatanga). E hāngai pū ana ētahi āhuetanga motuhake o te reo ki te horopaki, ki te kaupapa, me te hunga whakarongo, hunga pānui rānei.</p>
<p>horopaki</p>	<p>Ko te taiao e noho nei te reo. Ko ngā āhuetanga e karapoti ana i te kōrero, i te tuhinga rānei. Ko ngā tino āhuetanga o te horopaki ko ngā tāngata, ko te wā, ko te taiao, ko te kaupapa, ko te āhua o te tuku i te kōrero, me te pūtaka o te kōrero.</p>
<p>matapaki</p>	<p>Ko te tuhi, ko te kōrero rānei i ngā āhuetanga whāiti mō tētahi kaupapa, me te whai whakaaro ki te whānuitanga o ngā take e hāngai ana ki te kaupapa.</p>
<p>tātari</p>	<p>Ko te matapaki, te arotake me te whakaputa whakaaro.</p>

whai whakaaro	Ko te āta whakaaro mō te kaupapa, arā, mō ngā āhuatanga o te horopaki, me ngā āhuatanga o te reo. Me aro atu hoki ki ētahi āhuatanga whāiti o te horopaki me te hāngai o te reo, o ngā kupu, o te momo reo ki te horopaki.
---------------	--

- 2 Ko te kaupapa matua o tēnei paerewa ko te reo me te taiao e noho nei te kōrero.
- 3 E eke ai te ākonga ki te kairangi, me pakari ōna pūkenga whakarongo, ōna pūkenga pānui, me ōna pūkenga mātakitiaki.
- 4 Kia toru ngā momo horopaki, ā, me rerekē tētahi i tētahi. Me reo ā-waha tētahi o ngā horopaki, me reo tuhi tētahi.

Kuputaka

huahuatau	metaphor, simile
huarite	rhyme
kīpeha	figurative expression
kīrehu	idiom
momo reo	genre, text type
nuka reo	literary device
paparuatanga	repetition
tātari	analyse
tautohu	identify, locate
wetewete reo	grammar
whakatairite	compare, discuss similarities
whakatauaro	contrast, discuss differences

Tātari Kounga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233